



Older People's Commissioner for Wales
Comisiynydd Pobl Hŷn Cymru

Mr Gareth Chapman
Cyngor Bwrdeistref Sirol
Merthyr Tudful
Tŷ Keir Hardie
Merthyr Tudful
CF47 8XE

Adeiladau Cambrian
Sgwâr Mount Stuart
Caerdydd
CF10 5FL
08442 640670
gofyn@olderpeoplewales.com

12 Gorffennaf 2011

Annwyl Mr Chapman,

**Adolygiad Ysbytai Gofal gydag Urddas: adborth a Hysbysiad
Ysgrifenedig yn gofyn am ragor o wybodaeth erbyn 15 Awst 2011**

Ar 14 Mawrth cyhoeddais fy Adolygiad 'Gofal gydag Urddas? Profiadau pobl hŷn mewn ysbytai yng Nghymru', a anfonwyd at Gyngor Bwrdeistref Sirol Merthyr Tudful a Chyngor Bwrdeistref Sirol Rhondda Cynon Taf ynghyd â llythyr cyflwyno a ffurflen ymateb. Yn ogystal â chyflwyno canfyddiadau'r Adolygiad, rhoddodd yr adroddiad ddeuddeg o Argymhellion. Cafodd Argymhelliad 5 ei gyfeirio at Fyrddau Iechyd Lleol ac Awdurdodau Lleol ar y cyd. Gofynnais i Gyngor Bwrdeistref Sirol Merthyr Tudful a Chyngor Bwrdeistref Sirol Rhondda Cynon Taf ymateb i Argymhelliad 5 ar y cyd â Bwrdd Iechyd Cwm Taf, i amlinellu sut y bydden nhw'n cydymffurfio â'r argymhelliad.

Ers i ymateb Bwrdd Iechyd Cwm Taf ddod i law, mae fy nhîm a mi wedi asesu'r ymateb yn drylwyr. Rydyn ni wedi cael cymorth hefyd gan banel o gynghorwyr y mae eu henwau wedi'u rhestru ar ein gwefan. Calonddid i mi oedd yr ymatebion addawol a gawsom ac rwy'n teimlo bod llawer ohonyn nhw wedi dangos gwir awydd i wella profiad pobl hŷn yn yr ysbyty.

Mae Rheoliadau Comisiynydd Pobl Hŷn Cymru 2007 yn datgan bod rhaid i'r wybodaeth a roddir imi gan Fwrdd Iechyd Cwm Taf, Cyngor Bwrdeistref Sirol Merthyr Tudful a Chyngor Bwrdeistref Sirol Rhondda Cynon Taf fod yn ddigon imi benderfynu a gydymffurfir â'm hargymhellion i neu beidio, neu roi digon o esboniad pam na chydymffurfir ag argymhelliad.

Mae'r Rheoliadau hefyd yn caniatáu imi anfon Hysbysiad Ysgrifenedig i ofyn am ragor o wybodaeth gan y cyrff hynny sydd heb fy narbwyllo eto y bydd fy argymhellion yn cael eu dilyn. Rwy'n ansicr a yw Cyngor Bwrdeistref Sirol Merthyr Tudful a Chyngor Bwrdeistref Sirol Rhondda Cynon Taf wedi cyfrannu at yr ymateb a anfonwyd gan Fwrdd Iechyd Cwm Taf gan nad yw'r ymateb yn dweud hynny'n bendant ac nad oes gohebiaeth wedi dod i law oddi wrth y naill gyngor na'r llall.

Gan hynny, does dim digon o wybodaeth wedi'i rhoi imi i'm sicrhau'n llawn y bydd buddiannau pobl hŷn yng Nghymru'n cael eu diogelu a'u hybu mewn perthynas ag Argymhelliad 5. Mae'r llythyr hwn yn Hysbysiad Ysgrifenedig i Gyngor Bwrdeistref Sirol Merthyr Tudful a Chyngor Bwrdeistref Sirol Rhondda Cynon Taf yn gofyn am ragor o wybodaeth ynghylch Argymhelliad 5. Byddwch cystal ag ymateb i'r argymhelliad hwnnw ar y cyd â Bwrdd Iechyd Cwm Taf a hynny erbyn **dydd Llun 15 Awst am 5pm fan bellaf**. Mae Prif Weithredwr Bwrdd Iechyd Cwm Taf wedi cael Hysbysiad Ysgrifenedig hefyd.

Mae'n ofynnol imi gadw cofrestr, sydd ar gael i'r cyhoedd, yn cynnwys manylion yr argymhellion a chanlyniad unrhyw gamau pellach yr ydw i wedi'u cymryd, megis rhoi Hysbysiad Ysgrifenedig i Awdurdod Lleol neu Fwrdd Iechyd Lleol penodol. Bydd y gofrestr ar ein gwefan ynghyd â'r

ymatebion a anfonir atom. Bydd y gofrestr ar gael ar bapur hefyd os gwneir cais amdano.

Pan fyddaf yn fodlon bod gen i'r cyfan o'r wybodaeth angenrheidiol, bydd fy nhîm a mi'n gweithio'n ddiwyd i sicrhau bod Argymhelliad 5 yn dod yn realiti ymarferol sydd o les i bobl hŷn yng Nghymru.

Os oes gennych unrhyw gwestiynau am y rhan hon o'r broses, mae croeso ichi gysylltu ag Anna Buchanan ar 02920 445034 neu anna.buchanan@olderpeoplewales.com.

Yn gywir,

A handwritten signature in purple ink that reads "Ruth S. Marks," with a horizontal line underneath the name.

Ruth Marks
Comisiynydd Pobl Hŷn Cymru